

in cruce plenissime satisfecisse, pœnamque peccatis nostris debitam perfecte sustinuisse, atq; ita ab omni nos accusatione, maledictione & damnatione liberatos, in libertatem potenter asseruisse. Quô pertinent dicta illa Esa. 53. 4. 5. Rom. 3. 23. 24. &c. cap. 8. 33. 34. Gal. 16. 14.

2. Quantum ad afflictiones, quas in hac terra pii adhuc sustinent, magnæ illis consolationi est, quod sciunt, se in cruce Christum antecessorem & antesignanum habuisse. Quem admodum igitur Deus pater filium suum principem salutis ipsorum, per afflictiones consecrauit, gloriaque & honore coronaui: ita & ipsi alio itinere ad eandem gloriam peruenire non exoptant: sed abiecto omni metu constanter propositum ipsis stadium decurrunt, intuentes in fidei ducem ac perfectorem Iesum, qui vice sibi propositi gaudii, pertulit crucem, ignominiam contemptam, & ad dextram throni Dei confedit. Hebr. 2. 9. &c. cap. 12. 1. &c.

3. Quid dulcius hac cōsolatione piorum animis suggeri potest, quam quod norunt per crucem se conformari imagini filii Dei? Rom. 8. 29. 2. Timoth. 2. 11. 12. Item quod sciunt exitum non minus in ipsis quàm in capite Christo fuisse, fore gloriosum? 1. Cor. 10. 13. Iacob 5. 11. Apoc. 3. 21.

4. Ad extremum etiam hoc consolationis argumentum crucifixio Christi ob oculos nobis ponit, quod etsi multi sunt *ἰπικαταρεσχηνοὶ*, qui nobis in miseriis nostris insultant, inque sinum gaudent & rident: semper tamen Deus aliquos excitaturus est, qui piâ *συμπάθεια* ducti, calamitatem nostram deplorent, etsi aliud nihil possint, Deum pro auxilio, fortitudine, & liberatione præstanda, ardenter orent. Ita hinc mulieres Hierosolymitanæ fletu & eiulatu suam erga innocentem Iesum sympathetiam attestantur. Luc. 23. 27. *Ita centurio videns quod factum fuerat, glorificauit Deum, dicens, Verè hic homo iustus erat. Et omnis turba quæ simul ad hoc spectandum accesserat, cum videret quæ facta fuerant, verberans pectora sua reuertebatur,* Luc. 23. 47. 48. Ita cum Petrus ab Herode incarceratus seruaretur, assiduæ preces fiebant, ab Ecclesia ad Deum pro ipso,

A&t.